

**VAL. FALTONIÆ PROBÆ,**  
**FEMINÆ CLARISSIMÆ,**  
**CENTONES VIRGILIANI,**  
AD TESTIMONIUM VETERIS ET NOVI TESTAMENTI.

*Proœmium.*

Jamdudum temerasse duces pia fœdera pacis,  
Regnandi miseros tenuit quos dira cupido :  
Diversasque neces, regum crudelia bella,  
Cognatasque acies pollutas cæde parentium :  
Insignes clypeos, multoque ex hoste tropæa :  
Sanguine conspersos tulerat quos fama triumphos  
Innumeris totiens viduatas civibus urbes ,  
Confitore, scripsi, satis est meminisse malorum.

*Invocatio Dei.*

Nunc, Deus omnipotens, sacrum, precor, accipe car.  
Æternumque tui septemplicis ora resolve [men],  
Spiritus, atque mei resera penetralia cordis :  
Arcana ut possim vatis proba cuncta referre.  
Non nunc Ambrosium cura est mihi querere neclar,  
Nec libet Aonio de vertice ducere musas.  
Non mibi saxa loqui vanus persuadeat horror,  
Laurigerosque sequi tripodas, et inania vota,  
Jurgantesque deas proceruni, victosque penates :  
Nullus enim labor est verbis extendere famam,  
Atque hominum studiis parvam disquirere laudem.

*Tractandorum propositio.*

Castalio sed fonte madens imitata beatos,  
Quæ sitiens hausit sanctæ libanina pacis,  
Hinc canere incipiām : præsens Deus, erige mentem,  
Virgilium cecinisse loquar pia munera Christi :  
Rem nulli obscuram repetens ab origine pandam,  
Si qua fides animo, si veros fusa per artus  
Mens agitat molem, et toto se corpore miscet  
Spiritus, et quantum non noxia corpora tardant,  
Terrenique hebetant artus, moribundaque membra.

**PARS PRIMA.****DE VETERE TESTAMENTO.***Deprecatio ad Deum.*

O Pater, o hominum , rerumque æterna potestas,  
Da facilem cursum, atque animis illabere nostris :  
Tuque ades, incepsumque una decurre laborem,  
Nate Patris sunmi, vigor et cœlestis origo :  
Quem primum colimus, meritosque novamus honores,  
Jani nova progenies, omnis quem credidit ætas.  
Munera vera cano, satis est potuisse videri.  
Jampridem memini veterum monumenta virorum  
Moscum ante oennes totum cecinisse per orbem  
Quæ sint, quæ fuerint, et quæ ventura trabantur  
Omnia, ut ipse tener mundi concreverit orbis.  
Felix qui potuit rerum cognoscere causas,

**A** Unde hominum, pecudumque genus, vitæque volantium,  
Et quæ marmoreo fert monstra sub æquore pontus,  
Et si quid simul ignis habet, vel mobilis humor.  
Haud aliter prima crescentis origine mundi  
Illuxisse dies, aliumve habuisse tenorem  
Crediderim; major rerum mihi nascitur ordo,  
Si qua fidem tanto est operi latura vetustas.  
Namque (fatebor enim) levium spectacula rerum  
Semper equos, atque arma virum, pugnasque casabam,  
Et studio incassum volui exercere laborem;  
Omnia tentanti potior sententia visa est  
Pandere res alta terra et caligine mersas.  
Inque dies aliquid jamdudum invadere magnum  
Mens agitat mihi, nec placida contenta quiete est.  
Ore favete omnes, latasque advertite mentes,  
B Matres, atque viri, pueri, iunuptæque puellæ.

*De creatione Mundi.*

Principio cœlum, ac terras, camposque liquentes  
Lucentemque globum lunæ, solisque labores  
Ipse Pater statuit : vos, o clarissima mundi  
Lumina, labentem cœlo quæ decitis annum.  
Nam neque erant astrorum ignes, nec lucidus æther,  
Sed nox atra polum bigis subiecta tenebat,  
Et chaos in præceps tantum tendebat ad umbras,  
Quantus ad æthereum cœli suspectus Olympum.

*De divisione lucis a tenebris.*

Tunc Pater omnipotens, rerum cui summa potestas,  
Aera dimovit tenebrosum, et dispulit umbras,  
Et medium luci atque umbris jam dividit orbem.  
C Sidera cuncta notat, tacito labentia cœlo,  
Intentos volvens oculos, qua parte calores  
Austrinos tulerit, quæ terga obverterit axi,  
Obliquus qua se signorum verterit ordo.

*De quatuor temporibus anni.*

Postquam cuncta videt cœlo constare sereno  
Omnipotens, stellis numeros et nomina fecit,  
Temporibusque parem diversis quattuor annum,  
Æstusque, et pluvias, et agentes frigora ventos.  
Atque hæc ut certis possemus discere signis.  
Vere lument terræ, et genitalia semina poscent :  
Ac medio tostus æstu terit area fruges,  
Et varios ponit fetus autumnus, et atra  
Venit bieans, teritur Sicyonia bacca trapelis,  
D Atque in se sua per vestigia volvitur annus.  
Tempore jam ex illo secundis imbribus æther  
Magnus alit magno commixtus corpore fetus.

*Dies primus.*

Et jam prima novo spargebat lumine terras,  
Ducebatque diem stellis aurora fugatis.  
Tunc durare solum, et discludere Nerea ponit  
Incipit, et rerum paulatim sumere formas,  
Et variæ pelagi facies, innmania cete  
Æquora verrebant caudis, æstumque secabant,  
Nec nou et vasti circuibant æquora ponti.  
Jam sole infuso, jam rebus luce retectis  
Exultans, roremque simul dispargit amarum.

*Dies secundus.*

Postera jamque dies primo surgebat Eoo,  
Fudit humus flores, et frondes explicat omnes,  
Sanguineisque inculta rubent avaria baccis,  
Non rastris hominum, non ulli obnoxia curæ.

*Dies tertius.*

Tertia lux gelidam cœlo dimoverat umbram,  
Avia tunc resonant avibus virgulta sonoris,  
Et liquidas corvi presso dant gutture voces,  
Nec gemere aeria cessabat turtur ab ulmo.

*Dies quartus.*

Quarto terra die variarum monstra ferarum,  
Omnigenumque pecus, nullo custode per herbam,  
Educit silvis : subito (mirabile visu !)  
Tunc demum movet arma leo, tunc pessima tigris  
Squamosusque draco, et fulva cervice leæna  
Sævire, ac formæ magnorum ululare luporum.  
Cætera pascuntur virides armenta per herbas,  
Nec gregibus liquidi fontes nec gramina desunt.

*Dies quintus et sextus.*

Jamque dies, alterque dies processit, et omne  
Hoc virtutis opus divinæ mentis et artis  
Prospiciens Genitor, perfectis ordine rebus,  
Expleri mentem nequit, ardescitque tuendo  
Terrarum, tractusque maris, cœlumque profundum,  
Alituum, pecudumque genus, secumque volatil  
Qui mare, qui terras omni ditione tenerent,  
Neu segnes jaceant terræ, juvat usque morari.

*De formatione primi hominis.*

Talia versanti subito sententia sedit,  
Felicemque trahit limum flingitque premendo  
Pingue solum primis exemplo a mensibus anni.  
Jamque improviso tantæ pietatis imago  
Processit, nova forma viri pulcherrima rerum,  
Os humerosque Deo similis, cui mentem, animumque  
Major agit Deus, atque opera ad majora remittit.

*De formatione Eve.*

Quæritur hinc alius, nec quisquam ex agmine tanto  
Audet adire virum, sociusque in regna vocari.  
Haud mora, continuo placidam per membra quietem  
Dat juveni, et dulci declinat lumen somno.  
Atque illi medio in spatio jam noctis opacæ  
Omnipotens Genitor costas et viscera nudat.  
Harum unam juveni, laterum compagibus actis,  
Eripuit, subitoque oritur mirabile donum,  
Argumentum ingens clara cum luce resulst

## A Insignis facies, et pulchro pectore virgo

Jam matura viro, jam plenis nubilis annis.  
Olli somnum ingens rupit pavor, ossaque et artus  
Conjugium vocat, et stupefactus numine pressit,  
Excepitque manu, dextramque amplexus adhæsit.

*Deum protoplastum et Evam benedixisse.*

His demum exactis, torquet qui sidera mundi  
Jussit : eo dicente premit placida æquora pontus,  
Et tremefacta solo est tellus, silet arduus æther.  
Vivite felices, interque virentia culta  
Fortunatorum nemorum sedesque beatas.  
Hæc domus, hæc patria est, requies ea certa laborum.  
His ego nec metas rerum, nec tempora pono.  
Imperium sine fine dedi, multosque per annos  
Non rastrum patietur humus, nec vinea falcem.  
At genus immortale manet, nec tarda senectus  
Debilitat vires animi, mutatque vigorem.

*Quid prohibitum primis parentibus.*

Vos contra quæ dicam animis adverte vestris;  
In medio ramos, annosaque brachia tendens  
Est in conspectu ramis felicibus arbor,  
Quam neque fas igni cuiquam, nec sternere ferro,  
Relligione sacra numquam concessa moveri.  
Hic quicumque sacros decerpserit arbore fetus,  
Morte luet merita : nec me sententia vertit :  
Nec tibi jam prudens quisquam persuadeat auctor  
Commaculare manus, liceat te voce moveri  
Feminea, nec te ullius violentia vincat,  
Si te digna manet divini gloria juris.

C *De deliciis Paradisi.*

Postquam cuncta pater, cœli cui sidera parent,  
Composuit, legesque dedit, camposque nitentes  
Desuper ostentat, tantarum gloria rerum :  
Ecce autem primi sub limine solis et ortus  
Devenere locos, ubi mollis amarus illos  
Floribus, et dulci aspirans complectitur umbra.  
Hic ver purpureum, atque alienis mensibus æstas,  
Hic liquidi fontes, hic cœli tempore certo  
Dulcia mella premunt, hic candida populus antro  
Imminet, et lente texunt umbracula vites :  
Invitant croceis balantes floribus horti  
Inter odoratum lauri nemus, ipsaque tellus  
Omnia liberius nullo poscente ferebat.  
Fortunati ambo, si mens non læva fuisset

D *Conjugis infandæ, docuit post exitus ingens.**Tentatio per Serpentem.*

Jamque dies infanda aderat per florea rora :  
Ecce inimicus atrox immensis orbibus anguis  
Septem ingens gyros, septena volumina versat,  
Nec visu facilis, nec dictu affabilis ulli,  
Obliqua invidia ramo frondente pependit,  
Vipereum inspirans animam, cui tristia bella  
Iræque invidieque, et noxia crimina cordi.  
Odit et ipse pater, tot sese vertit in ora,  
Arrectisque horret squamis, et ne quid inausum,  
Aut intentatum scelerisve dolive relinquat,  
Sic prior aggreditur dictis, seque obtulit ultro :

Dic, ait, o virgo (lucis habitamus opacis,

Riparumque toros, et prata recentia rivis  
Incolimus), quæ tanta animis ignavia venit ?  
Strata jacent passim sua quæque sub arbore poma,  
Pœnula sunt liquidi fontes, cœlestia dona.  
Attractare nefas, id rebus defuit unum.  
Quis prohibet causas penitus tentare latentes ?  
Vana supersticio, rerum pars altera adempta est,  
Condito ; mea si non irrita dicta putares,  
Auctor ero audiendi sacrata resolvere jura.  
Tu conjunx, tibi fas animum tentare precando.  
Dux ego vester ero, tua si mihi certa voluntas,  
Exstruimusque toros, dapibusque epulamur opimis.

*Eva seducta seducit virum.*

Sic ait, et dicto citius, quod lege tenetur  
Subjiciunt epulis oculi venerabile lignum,  
Instituuntque dapes, contactuque omnia fœdant.

Præcipue insistit pesti devota futuræ,  
Miraturque novas frondes, et non sua poma.  
Causa mali tanti, summo tenuis attigit ore,  
Majus adorsa nefas, majoremque orsa furorem.  
Heu misero conjunx aliena ex arbore germen  
Objicit, atque animum subita dulcedine movit.

*Vident se nudos, et faciunt sibi perizomata.*

Continuo nova lux oculis effulxit; at illi  
Terrentur visu subito, nec plura morati,  
Corpora sub ramis objectu frondis inumbrant,  
Conservum tegmen, nec spes opis ulla dabatur.  
At non hæc nullis hominum Sator, atque deorum  
Observans oculis, cædes et facta tyranni  
Præsensit, notumque furens quid femina possit.  
Continuo invadit : Procul, o procul este, profani,  
Conclamat, coelum acterras qui numine firmat.

*Adam abscondit se.*

Atque illi longe gradientem et dira frementem  
Ut videre, metu versi retroque ruentes  
Diffugiunt, silvasque et sicubi concava furtim  
Saxa petunt, piget incepti, lucemque nec auras  
Respicunt, tædet cœli convexa tueri.

*Increpat Adam Dominus.*

Nec longum in medio tempus, cum creber ad aures  
Visus adesse pedum sonitus, Genitorque per umbram  
Talibus affatur dictis, atque increpat ultro :  
Infelix, quæ tanta animum dementia cepit ?  
Quis furor ille novus? quo nunc, quo tenditis? inquit.  
Regnorum immemores, quæ mentem insania mutat?  
Dicite, quæ lucis miseris tam dira cupido ?  
Maturate fugam, totoque absistite luco,  
Nec revocare gradum, si quando adversa vocarint,  
Est licitum : flammis ambit torrentibus amnis  
Per medium stridens, torquetque sonantia saxa.  
Attollitque globos flamarum, et sidera lambit.

*Adam se excusat.*

Ille sub hæc : Tua me, genitor, tua tristis imago  
His posuere locis, merui, nec deprecor, inquit,  
Omnipotens, sonitumque pedum, vocemque tremisco  
Concius audacis facti, monitique sinistri.  
Femina fert tristes succos, tardumque saporem;

A Illa dolos dirumque nefas sub pectore versans,  
Insontem infando indicio, moritura puella  
Dum surit, incatum crudeli morte peremit.  
Suas enim, scis ipse, nec est te fallere cuiquam,  
Ut vidi, ut perii, ut me malus abstulit error,  
Contigimusque manu quod non sua seminat arbos.

*Maledictum Serpenti.*

Tunc Pater omnipotens solio sic insit ab alto :  
Accipite ergo, animis atque hæc mea figite dicta ;  
Tuque prior, scelere ante alios immanior omnes,  
Quem nec longa dies, pietas nec mitigat ulla,  
Illortator scelerum coluber, mala grama pasces  
Desidia, latamque trahens inglorius alvum.  
Cede locis, nullis hominum cogentibus, ipse  
B Tenuis ubi argilla, et dumosis calculus arvis.

*Maledictum Adam.*

At tibi pro scelere (exclamat), pro talibus ausis,  
Omne ævum ferro teritur, primusque per artem  
(Heu, miserande puer !) terram insectabere rastris,  
Et sonitu terrebis aves : horrebit in arvis  
Carduus, et spinis surget paliurus acutis,  
Lappaque, tribulique, et fallax herba veneni;  
At si triticeam in messem, robustaque farra  
Exercebis humum, frustra exspectabis acervum,  
Concussaque sanam in silvis solabere queru.  
Insuper his subeunt morbi, tristisque senectus,  
Et labor, et diræ rapit inclemens mortis.

*Maledictam Èvam.*

C Hæc tibi semper erunt, tuque, o sævissima conjunx,  
Non ignara mali, caput horum et causa malorum,  
Magna lues commissa tibi : heu perdita nescis,  
Nec quæ circumstant te deinde pericula cernis.  
Nunc morere, ut merita es, quod tota mente petisti.  
Nec mea jam mutata loco sententia cedit.

*Expulsos Adam et Èvam e paradiiso.*

At juvenem primum sævus circumstetit horror,  
Dirigere oculi, nec se celare tenebris  
Amplius, aut notas audire et reddere voces.  
Haud mora, festinant, rapidis jussique feruntur  
Passibus, et pariter gressi per opaca viarum  
Corripiunt spatium medium limenque relinquunt  
Flentes, et paribus curis vestigia signunt.  
Tum victum in silvis baccas, lapidosaque corna  
D Dant rami, et vulsis pascunt radicibus herbæ.

*Èvam peperisse duos filios.*

Interea magnum sol circumvolvit annum,  
Matri longa decem tulerant fastidia menses,  
Unde homines nati, durum genus, inde per artem  
Haud herbæ campo apparent, haud arbore frondes,  
Inque novos soles audent se gramina tuto  
Credere, et in lentis uvam demittere ramis  
Instituunt, udoque docent inolescere succo.

*Abel a fratre occiditur.*

Tunc gemini fratres adolent dum altaria tædis,  
Alter et alterius prælato invidit honori,  
(Horresco referens) consanguinitate propinquum

Excipit incautum, patriasque obruncat ad aras  
Sanguine fœdantem quos ipse sacraverat ignes.

*Post occisum Abel Deus irascitur humano generi.*  
Tunc Genitor virus serpentibus addidit atris,  
Mellaque decussit foliis, ignenique removit,  
Prædarique lupos jussit, pontumque moveri.  
Et passim rivis currentia vina repressit.  
Mox et frumentis labor additus, ut mala culmos  
Esset rubigo, et victum seges ægra negaret.

Tunc laqueis captare seras, et fallere visco  
Inventum, et duris urgens in ribus egestas  
Movit agros, curis acuens mortalia corda.  
Deterior donec paulatim decolor ætas,  
Ferrea progenies durum caput extulit arvis,  
Et belli rabies, et amor successit habendi.  
Justitia excedens terris vestigia fecit.  
Nec longum in medio tempus : furor iraque mentem  
Præcipitant, gaudent perfusi sanguine fratrum.  
Condit opes alius, defossoque incubat auro,  
Nec doluit miserans inopem, dextraque tetendit.

*De Diluvio.*

Tunc Pater omnipotens graviter commotus ab alto  
Æthere se mituit, tellurem effundit in undas  
Diluvio miscens, cœlumque in tartara solvit.  
Sternit agros, sternit sata lœta, boumque labores  
Diluit, implentur fossæ, et cava flumina crescent.  
Et genus omne neci pecudum dedit, omne ferarum.

*Noe servatur.*

Tum pietate gravem, ac meritis, mirabile dictu !  
Qui fuit in terris et servantissimus æqui,  
Eripuit letho, tantis surgentibus undis,  
Ut genus unde novæ stirpis revocaret, haberet.

*Post diluvium Deus legem dat hominibus : Judai bello agitantur.*

Diluvio ex illo, patribus dat jura vocatis  
Omnipotens, magnisque agitat sub legibus ævum.  
Quid memorem infandas cædes? quid facta tyranni?  
Nesciaque humanis precibus mansuescere corda?  
Ægyptum, viresque Orientis, et ultima bella,  
Magnanimosque duces, totasque ex ordine gentes,  
Quo cursu deserta petiverit et tribus et gens  
Magna virum meriti tanti non immemor umquam.  
Quique sacerdotes adsint altaria juxta,  
Quique pii vates pro libertate ruebant.  
Qui bello exciti reges, quæ littore Rubro  
Complerint campos acies, quibus arserit armis  
Rex genus egregium magno inflammante furore  
Agmen agens equitum, et florentes ære catervas.  
Cætera facta patrum, pugnataque in ordine bella  
Prætereo, atque aliis post me memoranda relinquo.

**PARS SECUNDA.**

**DE NOVO TESTAMENTO.**

*Invocatio ad Deum.*

Nunc ad te, et tua, magne Pater, consulta revertor.  
Majus opus moveo, vatuum prædicta priorum  
Aggredior, quamvis angusti terminus ævi  
Accipiet, tentanda via est, qua me quoque possim

**PATROL. XIX.**

A Tollere humo, et nomen fama tot ferre per annos,  
Quod tua progenies cœlo descendit ab alto,  
Attulit et nobis aliquando optantibus ætas  
Auxilium adventumque Dei : cum femina primum  
Virginis os habitumque gerens, mirabile dictu !  
Nec generis nostri puerum, nec sanguinis edit.  
Sed quia terrifico cecinerunt omne vates  
Adventare virum populis terriisque superbum  
Semine ab æthereo, qui viribus occupet orbem,  
Imperium Oceano, famam qui terminet astris.

*De Nativitate Jesu Christi.*

Jamque aderat promissa dies, quo tempore pri-  
[num]  
Extulit os sacrum divinæ stirpis origo  
Missa sub imperio, venitque in corpore virtus  
**B** Mista Deo, subiit chari Genitoris imago.

*De Stella et Magis.*

Haud mora, continuo cœli regione serena  
Stella facem ducens magna cum luce resulxit.  
Agnovere Deum proceres, cunctique repente  
Munericibus cunulant, et sanctum sidus adorant.  
Tum vero manifesta fides, clarumque paterna  
Nomen virtutis, Christique agnoscere vultum  
Flagrant, et quæ det divini signa Decoris.

*Metuisse Herodum nato Christo.*

Protinus ad regem magno clamore furentem  
Fama volat, magnisque acuit rumoribus iras,  
Incenditque animum, matrisque allabitur aures.  
Illa dolos, dirumque nefas haud inscia rerum  
**C** Præsensit, motusque excepti prima futuros  
Præscia venturi, furtim mandavit aleendum,  
Duo curæ ambiguæ, dum mens exactuat ira.

*Herodes jubet occidi infantes.*

At rex sollicitus stirpem et genus futurum  
Præcipitare jubet, subjectisque urere flammis,  
Multæ movens, mittitque viros qui certa reportent.  
Haud secus ac jussi faciunt, rapidisque feruntur  
Passibus, et magnis urbem terroribus implent.  
Continuo auditæ voces, vagitus et ingens,  
Infantumque animæ flentes, ante ora parentum  
Corpora natorum sternuntur limine primo.

*Fugit Virgo cum filio in Ægyptum.*

At mater gemitu non frustra exterrita tanto,  
**D** Ipsa manu præ se portans, turbante tumultu,  
Infantem, fugiens plena ad præsepia tendit.  
Hic natum angusti subter fastigia tecti  
Nutribat, teneris immulgens ubera labris.  
Haec tibi prima, puer, fundent cunabula flores,  
Mixtaque ridenti passim cum bacca tellus  
Molli paulatim colocasia fundet acantho.

*Christus disputat in templo in medio seniorum.*

Et jam finis erat, perfecto temporis orbe,  
Ut primum cessit furor, et rabida ora quierunt,  
Ante annos animum gestans cœlestis origo.

*Mirantur omnes Christum.*

Per medias urbes graditur, populosque propin-  
[quos.]

Illum omnis tectis, agrisque effusa juventus  
Attonitis inhians animis prospectat euntem,  
Turbaque miratur matrum, quis spiritus illi,  
Quis vultus, vocisve sonus, vel gressus eunti est.

*Testimonium Joannis de Christo.*

Continuo vates, namque hic certissimus auctor,  
Ut procul a gelido secretum flumine vidit,  
Tempus, ait, Deus, ecce Deus, cui maxima rerum  
Verborumque fides : tu non eris alter ab illo,  
Fortunate puer, cœli cui sidera parent.  
Sic equidem ducebam animo, rebarque futurum,  
Exspectate venis, spes et solatia nostri.

*Christus baptizatur a Joanne, et Spiritus sanctus descendit de cœlo.*

Hac ubi dicta dedit, fluvio mersare salubri  
Acceptit venientem, ac mollibus extulit undis,  
Exsultantque vada, et subito commota columba  
Devolut, atque super caput astitit, inde repente  
Radit iter liquidum, celeres neque commovet alas.

*Multos baptizatos cum Christo.*

Huc omnis turba ad ripas effusa ruerat,  
Certatum largos humeris infundere rores.

*Vox de cœlo audita est, hic est, etc.*

Tunc Genitor natum dictis compellat amicis :  
Nate, meæ vires, mea magna potentia solus,  
Et prædulce decus magnun rediture parenti,  
A te principium, tibi desinit. Accipe, testor,  
O mea progenies : qua sol utrumque recurrens  
Aspicit Oceanum, perfecto latus honore  
Omnia sub pedibus vertique regique videbis.  
Tu regere imperio populos, matresque virosque.  
Jampridem resides animos, desuetaque corda,  
Ignarosque viæ mecum miseratus inerter  
Aggregere, et votis jam nunc assuesce vocari.  
Dixerat, ille patris magni parere parabat  
Imperialis, instans operi, regnisque futuris.  
Ileu pietas, ileu prisca fides, quas dicere grates  
Incipiam? si parva licet componere magnis.  
Nec mibi jam patriam antiquam spes illa videndi,  
Nec spes libertatis erat, nec cura salutis.

*Omnia rident, adreniente Domino.*

Hic inhi responsum primus dedit ille petenti,  
Concretam exemit labem, purumque reliquit  
Æthreum sensum, meque in mea regna remisit.  
Illuni ego per flammas, agerem si syrtibus exsul,  
Per varios casus, per mille sequentia tela,  
Quo res cumque cadant, unum pro munere tanto  
Exsequerer, strueremque suis altaria donis.  
Hujus in adventu tantarum munera laudum  
Ipsi lætitia voces ad sidera jactant  
Intonati montes. Respondent omnia valles.

*Tentatur Christus.*

Tempore non alio magnum et memorabile nomen  
Serpentis furiale matum meminisse necesse est.  
Aeus quin etiam, fama est obscurior annis,  
Compellare virum, et veniendi poscere causas.  
Hunc ubi tendentem adversum per gramina vidit,

A Substitit, infrennitque ferox, dictuque potenter  
Saucius ac serpens affatur voce superba :  
Verane te facies? verus milii nuntius affers?  
Qui genus? unde domo? qui nostra ad limina tendis?  
Fare, age, quid venias, nam te dare jura loquuntur.  
Aut quis te juvenum, confidentissime, nostras  
Jussit adire domos? pacique imponere morem?  
Non equidein invideo, miror magis, accipe porro,  
Quid dubitem, et quæ nunc animo sententia surgat.  
Est domus alia, voca zephyros, et labere pennis  
Ardua tecta petens ausus te credere cœlo,  
Si modo, quem memoras, pater est, cui sidera  
[parent.

*Christus diabolum alloquitur.*

Olli subridens sedato pectore satur,  
B Haud vacui ignarus, venturique inscius ævi :  
Dissimulare etiam sperasti, perfide serpens?  
Nec dubites, nam vera vides : opta ardua penitus  
Astra sequi, clausumque cava te condere terra.  
Quo, peritura, ruis? majoraque viribus audes?  
Cede Deo, toto projectus corpore terra.

*Diabolus fugit auditu Christo.*

Nec plura his : ille admirans venerabile donum  
Fronte premit terram, et epumas agit ore cruento,  
Contentusque fuga cœcis se condidit umbris.  
*Dominum elegisse discipulos, et statim secutos populus.*

Interea magnas volitans it fama per urbes,  
Convenere viri, mens omnibus una sequendi  
In quascumque velit pelago deducere terras.  
C Multi præterea, quos fama obscura recondit,  
Concurrunt fremitu denso, stipantque frequentes,  
Exsultantque animis : medium nam plurima turba  
Hunc habet, atque humeris exstantem suscipit alitis.  
Quos ubi consertos audere in prælia vidit,  
Incipit, et dictis divinum inspirat amorein :  
Discite justitiam moniti, et succurrите fessis  
Pro se quisque, viri, quæ cuique est copia, latu,  
Communemque vocate Deum, meliora sequamur,  
Quoque vocat, vertamus iter, via prima salutis  
Intemerata fides, et mens sibi conscientia recti :  
Vobis parta quies perfecto temporis orbe.  
Nam qui divitiis soli incubucere repertis,

Nec partem posuere suis, dum vita maneret,  
Pulsatusve parens, et frons innixa clienti,  
D Tunc cum frigida mors anima seduxerit artus,  
Inclusi pœnam expectant, quæ maxima turba est,  
Infernisque ciet tenebris, veterumque malorum  
Supplicia expendunt, aliis sub gurgite vasto  
Infectum eluitur scelus, aut exuritur igni.  
Turbidus hic coeno, vastaque voragine gurges  
Æstuat, atque omnem cocytio eructat arenam.  
Hinc exaudiri gemitus, et sæva sonare  
Verbera, tum stridor ferri, tractæque catenæ  
Semper, et obtenta densantur nocte tenebræ.

*Præcipitur, ne colantur idola.*

Præterea quæ dicam animis advertite vestris :  
Non ego vos posthac cœsis de more juvencis  
Religione patrum, truncis et robore natus,

Mortalive manu effigies , nec tempa decorum  
Audire , et repetens iterumque iterumque monebo :  
Sed periisse semel satis est, natumque patremque  
Profuerit meminisse magis, si credere dignum est.  
Sed fugit interea , fugit irrevocabile tempus ,  
Flammarumque dies, et vis inimica propinquat.

*De Judicio venturo.*

Attontis hædere animis : nec plura moratus  
Hic aliud majus miseris mortalibus ægris  
Judicium canit, et tristes denuntiat iras,  
Venturum excidium, vasta convulsa ruina  
Omnia tunc pariter rutilo miscerier igni,  
Palantesque polo stellas, cœlique ruinam.  
Tunc vero tremefacta novus per pectora cunctis  
Insinuat pavor, et taciti ventura videbant.  
*Quid sibi faciendum foret, ut vitam æternam possideret, petiit quidam a Domino.*

Hæc super adventu cum dicta horrenda moneret ,  
Ora puer prima signans intonsa juventa ,  
Dives opum , studiis florens ignobilis oti ;  
Quinque greges illi balantum, et bina redibant  
Armenta et dapibus mensas onerabat opimis.  
Continuo palmas alacres utrasque tetendit,  
Et genua amplectens, sic ore affatus amico est :  
O Deus, o famæ merito pars maxima nostræ ,  
Ad te confugio, et supplex tua numina posco :  
Omnia perfeci atque animo mecum ante peregi.  
Eripe me his, invicta, malis; quid denique restat ,  
Quidve sequens tantos possim suporare labores ?  
Accipe daque fidem , mihi jussa capessere fas est.

*Respondit ei Dominus.*

Atque huic responsum paucis ita reddidit heros :  
O præstans animi juvenis, absiste precando ,  
Nec te pœniteat, nihil o tibi, amice, relictum est.  
Hoc etiam his addam, tua si mihi certa voluntas ,  
Disce, puer, contempnere opes, et te quoque dignum  
Finge Deo, et quæ sit poteris cognoscere virtus.  
Da dextram misero, et fratrem ne desere frater ;  
Si jungi hospitio properat, conjunge volentem ,  
Casta pudicitiam servet domus : en age segnes  
Rumpe moris, rebusque veni non asper egenis.  
Dixerat hæc, ille in verbo vestigia torsit  
Tristior, ora modis attollens pallida miris,  
Multæ gemens, seseque oculis avertit, et aufert.

*Christus insedit asello.*

Tunc etiam tardi costis agitatus aselli  
Insedit nimbo effulgens; tum plurima circum  
Matres atque viri, pueri velamina nota  
Subjiciunt, funemque manu contingere gaudent.  
Janique propinquabat portis, templumque vetustis  
Antiqua excedro centum sublime columnis  
Inreditur, magna medius comitante caterva.

*Christum ementes et vendentes flagello e templo expulisse.*

Horrendum silvis, hoc illis curia templum ,  
Hæc sacrae sedes, miro quod honore colebant.  
Namque sub ingenti lustrat dum singula templo ,

A Horrescit visu subito : insonuitque flagello ,  
Significatque manu, et magno simul intonat ore :  
Quæ scelerum facies, quæve æra micantia cerno ,  
Cæsaris et nomen ? quæ mentem insania mutat ?  
Hæ nobis propriæ sedes , hic tempore certo  
Perpetuis soliti patrum considerare mensis.  
Obstupuere animis, gelidusque per ima cucurrit  
Ossa tremor, mensasque metu lique priores.

*Discipuli periclitantur in mari.*

Inde ubi prima fides pelago, tranquilla per alta  
Deducunt socii naves, atque arte magistra ,  
Hic aliis funda latum transverberat amnem  
Alta petens, pelagoque aliis trahit humida lina.  
Postquam altum tenuere rates, nec jam amplius ullæ  
Occurrunt terræ, crebris micat ignibus æther ,

B Eripunt subito nubes cœlumque diemque :  
Consurgunt venti, et fluctus ad sidera tollunt.  
At sociis subita gelidus formidine sanguis  
Dirigit, cecidere animi, cunctique repente  
Portum aspectabant flentes, vox omnibus una ,  
Speimque metumque inter dubii, seu vivere credant ,  
Sive extrema pati, lethi discrimine parvo ,  
Qualia multa mari nautæ patiuntur in alto.

*Christum ambulasse super aquas.*

Ecce Deus magno misceri murmure pontum ,  
Enim sanique biensem sensit, cui summa potestas  
Par levibus ventis, et fluminis ocior undis.  
Prona petit maria, et pelago decurrit aperto ,  
Nec longo distat cursu præeunte carina.

C Agnoscent longe regem, dextramque potentem  
Nudati socii, et magno clamore salutant  
Postquam altos tetigit fluctus, et ad aquora venit ,  
Hic vero horrendum, ac visu mirabile, forte  
Subsidunt undæ, remo ut luctamen abessel ,  
Collectasque fugat nubes, graditurque per æquor  
Jam medium, nec dum fluctus latera ardua tingit.  
At media socios incedens nave per ipsos ,  
Ecce gubernacio rector subit ipse magister ,  
Intremuit malus, gemuit sub pondere cyma.  
Vela cadunt, puppique Deus consedit in alta ,  
Et tandem læti note advertuntur arenæ.

*De Caena Domini.*

Devexo interea propior fit vesper olympos.  
D Tunc victu revocant vires, fusique per herbam .  
Et dapibus mensas onerant, et pocula ponunt.

*Docet Sacramentum.*

Postquam prima quies epulis, mensæque remotæ ,  
Ipse inter primos genitori instaurat honores  
Suspiciens eosq; tunc facta silentia linguis.  
Dat manibus fruges, dulcesque à fontibus undas ;  
Implevitque mero pateram, ritusque sacrorum  
Edocet, immiscetque preces, ac talia satur :

*Prædictit ab uno se traditum iri.*

Audite, o proceres, ait, et spes discite vestras :  
Nemo ex hoc numero mihi non donatus abibit ,  
Promissisque patris, vestra, inquit, munera vobis  
Certa manent, pueri, et palmam movet ordine nemo :

Et lux cum primum terris se crastina reddet,  
Unus erit tantum in meque, exitiumque meorum,  
Dum medium paci se offert de corpore nostro.  
Namque dies (ni fallor) adest, secludite curas:  
Mecum erit iste labor, nec me sententia fallit,  
Unum pro multis dabitur caput. Hæc ita fatus,  
Conticuit, seramque dedit per membra quietem.

*Apostolos fugisse.*

Dissigunt comites, et nocte teguntur opaca;  
Multaque dura suo tristi cum corde volant.  
Quid faciant? hærent infixi pectore vultus,  
Verbaque, nec placida membris dat cura quietem.

*Conquestio Petri ad condiscipulos.*

Tunc senior tales referebat pectore voces,  
Multa putans: ubi nunc nobis Deus ille magister?  
Quem sequimur? quove ire jubes? ubi ponere sedem?  
O dolor, atque decus tantarum gloria rerum!  
Jamjam nulla mora est, et nos rape in omnia tecum,  
Oramus, teque aspectu ne subtrahe nostro.

*Sacerdotes cum populo contra Christum.*

Oceanum interea surgens aurora reliquit,  
Jaunque sacerdotes late loca questibus implent,  
Cum populo et patribus, ferturque per agmina mur-  
[mur:

Quod genus hoc hominum? quæve hunc tam barbara  
[morem

Permittit patria? poenas cum sanguine poscent  
Undique collecti, et magno clamore sequuntur  
Insontem, saevitque animis ignobile vulgus.

*Christus hora sexta deducitur, ut crucifigatur.*

Sol medium cœli concenderat igneus orbem,  
Tunc subito hunc acciri omnes populusque patresque  
Exposcunt, farique jubent, quo sanguine cretus,  
Quidve petat, quidve ipse ferat: prædamque tuentes  
Facta viri, mistus dolor et stupor urget inertes.  
Nescia mens hominum! certant illudere capto.  
Tum vero captis concurrunt undique telis:  
Tollitur in cœlum clamor, cunctique repente  
Corripuerat sacram effigiem, manibusque cruentis  
Ingentem querum decisio undique rani  
Constituunt, spinisque ligant ingentibus illum.  
Tendebatque manus, pedibus per mutua nexis,  
Triste ministerium! sequitur quos cætera pubes,  
Ausi omnes immane nefas, ausoque potiti.  
Ille autem impavidus, Quo vincula nectitis? inquit.  
Tantane vos generis tenuit fiducia vestri?  
Post mili non simili poena commissa luetis.  
Talia perstabat memorans, fixusque manebat.

*Fit terræmotus, et sol obscuratur.*

Interea magno misceri murmure cœlum  
Incipit, et ribus nox abstulit atra colorem,  
Impiaque æternam timuerunt sæcula noctem.  
Terra tremit, fugere feræ, et mortalia corda  
Per gentes humili stravit pavor: inde repente  
Dat tellus gemitum, et cœlum tonat omne fragore.

*Christum descendisse ad inferos.*

Extemplo comites Erebi de sedibus imis

A Umbræ ibant tenues: tellus quoque et aquora ponit  
Signa dabant, sistent amnes, terræque debiscent.  
Quin ipsæ stupuere domus, atque intima lethi  
Tartara, et umbrosæ penitus patuere cavernæ.  
Sol quoque et exoriens (cuncti se scire fatentur)  
Tunc caput obscura nitidum ferrugine texit.

*Christum tertia die resurrexisse.*

Hosque inter motus, media inter talia verba  
Tertia lux gelidam cœlo dimoverat umbram.  
Jamque pedem referens superas veniebat ad auras,  
Cum subito ante oculos ingenti mole sepulcrum,  
Corpus ubi exanimum positum, nec claustra, nec ipsi  
Custodes susserre valent, avulsaque saxis  
Saxa vident, laxis laterum compagibus arctis.  
Fit sonus, ingenti concussa est pondere tellus,  
Horror ubique animos, simul ipsa silentia terrent.

*Foribus clausis apparuisse Christum discipulis.*

Ecce autem primi volucrum sub culmine cantus:  
Ingreditur, linquens antrum, spoliisque superbis  
Ibat ovans, pulsuque pedum tremit excita tellus,  
Vulneraque illa gerens foribus sese ingerit arctis.  
Atque hic ingentem comitum affluxisse novorum  
Invenit admirans numerum, cunctisque repente  
Improvisus ait: Coram quem queritis adsum:  
Vicit iter durum pietas, et vivida virtus.  
Præcipites vigilate, viri, timor omnis abesto.

*Instructi apostolos.*

Illi nostri reditus, exspectatiq[ue] triumphi,  
C Ille mea magna fides; o terque quaterque beati,  
Quæ vobis, quæ digna, viri, pro laudibus istis  
Præmia posse reor solvi? quæ dona parari?  
Accipite ergo animis: quæ vos a stirpe parentum  
Prima tulit tellus, eadem vos ubere læto  
Accipiet, revocate animum mœstumque timorem  
Mittite, jam vosinet rebus servate secundis.

*Christum apostolis pacem reliquisse.*

Quod superest, lati bene gestis ordine rebus,  
Pacem opiate manu, pacem laudate sedentes  
Magnanimi: pacis solum inviolabile pignus.  
Et simul his dictis faciem ostendebat et ora,  
Ora mauusque ambas, populataque pectora ferro:  
Immissaque manus manibus, gaudentque tuentes,  
Nec vidisse semel satis est, juvat usque morari:  
D Et conserre gradum, et dextræ conjungere dextram.

*De Ascensione Christi.*

Illi demum exactis, spirantes dimovet auras  
Aera per tenerum, cœloque invectus aperto  
Mortales visus medio in sermone reliquit.  
Infert se septus nebula, mirabile dictu!  
Ast illum solio stellantis gloria cœli  
Accipit, æternumque tenet per sæcula nomen.  
Ex illo celebratus honos, latique minores  
Servavere diem, tot jam labentibus annis.  
I, decus, i, nostrum, tantarum gloria rerum,  
Semper bonos, nomenque tuum, laudesque manebunt.  
Et nos et tua, dexter, adi pede sacra secundo,